



杜注水中鹽卷之三

古董楊德周齊莊甫

同邑


高 聽長脩甫

陳朝輔燮五甫

訂

玉華宮

玉華宮在宜君縣西南鳳皇谷內此谷嘗有五色雀翔集  
因名谷中有地九頃唐太宗建玉華宮六殿五間敕正殿  
覆瓦餘皆葺茅其地本縣人秦小龍宅太宗曰小龍出大  
龍入也當時以為清涼勝九成宮云後改為玉華寺寺內





有蕭成殿玄奘法師於此院譯經每言此寺乃閻浮之兜  
率天也宋雍熙間於山前獲一角獸時以爲麟金復置玉  
華鎮○梅聖俞曰玉華宮側近有晉符堅墓前有溪曰醜  
醜蓋取溪色如酒色之碧也

張文潛暮年在宛丘何大圭方弱冠往謁之凡三日見其  
吟哦老杜玉華宮詩不絕口大圭請其故曰此章乃風雅  
鼓吹未易爲子言大圭曰先生所賦何必減此曰平生極  
力模寫僅有一篇稍似之然未可同日語也遂誦襍黃州  
詩偶同此韵曰扁舟發孤城揮手謝送者山廻地勢卷天  
豁江南寫中流望赤壁石腳插水下昏昏烟霧嶺歷歷漁  
樵舍居夷實三載鄰里通假借別之豈無情老淚爲一灑  
篙工起鳴鼓輕櫂捷於馬聊爲過江宿寂寂樊山下此其  
音響節奏固近之矣讀之可以默喻也

述注曰陰房鬼火青壤道哀湍瀉淮南子人血爲燐許慎  
注兵死之血爲鬼火燐者鬼火之名壤道虞虢之界通道  
所經有澗水壤道嘗使胥靡刑人等護此道

梁隱過茂材覽遺跡了無故舊碑文考驗往事獨石馬在  
茂草中○吳氏曰杜詩冉冉征途間誰是長年者曹緯蹈



龔之云爲問征途間誰爲此山者

劉須溪曰哀思苦語轉換簡遠有長篇餘韵末更自傷非意所及又曰起結凄黯讀者殆難爲情

九成宮

以山有九重故名

隋開皇間設仁壽宮於鳳翔府之麟游縣義寧元年唐高祖輔政仁壽宮易隋之後乃置鳳樓郡及麟游縣貞觀初太宗修以避暑政名九成宮其址在城西五里之天台山下有清池王勃賦序云松峯桂壑紅泉碧磴金石千聲雲霞萬色者也其側有鳴鳳山與天台山相接舊傳有鳳鳥鳴其上隋末白麟見郡縣之名取焉○土囊口宋玉賦夫風起於青蘋之末盛怒於土囊之口○揭嶮恠石走魯靈光殿賦揭嶮緣雲上

雖無新增修尚置官居守唐志云九成宮周垣千八百步并置禁苑及府庫官寺等太宗高宗嘗臨幸舊史志云九成宮總監一人副監一人丞一人錄事一人府三人史五人

天王守太白守卽天王狩於河陽之義時肅宗在鳳翔也守與狩同



羌村三首

王遵巖曰三首俱佳而第一首尤絕一字一句鏤出肺腸才人莫知措手而宛然曲周至躍然目前又若尋嘗人所欲道者國風之義黃初之音而結體始終乃杜工部本詩也嗚呼妙矣

羌村在鄜州之洛交縣按秦文公作鄜時祠後魏廢帝改東秦州爲鄜以此州初設杏城鎮漢將韓胡代杏木爲柵以抗北狄處也後移理於五交城以洛水所交併大小塞門水爲五隋文帝置各交縣於此待堅時爲長城縣後魏乃周曰三川縣

公爲賊所得此時逃歸至鄜也

羌村詩是深一層法歸客千里至妻孥驚然在世亂遭飄蕩生還偶然遂詠生還之樂我在而妻孥轉以爲恠生還而轉以爲偶然情深意惻鍾伯敬曰恠深於喜又在喜前驚定還拭淚五字却藏有喜在內○夜闌更秉燭相對如夢寐更字作平聲讀言更相秉燭炤之尚是夢也若作仄聲失其意矣○唐詩紀事曰國朝盛文肅嘗夢朝玉帝見殿上題扇云夜闌更秉燭相對如夢寐初謂天人之作已



而知子美之詩也

嬌兒不離膝畏我復却去寫嬌兒纏綿光景透徹○且用  
慰遲暮楚詞曰恐美人之遲暮

父老四五人問我久遠行謝眺過鄴貴交零落有田畷野  
老四五人慰眺曰道左商旅樵人

鍾伯敬曰此三詩似詠生還之樂耳以爲偶然以爲意外  
則許多垂老無家新昏別等篇流離死亡反是尋嘗事矣

### 北征

漢班彪更始時避地京州發長安作北征賦故公因之

東坡曰北征詩識君臣之大體忠義之氣與秋色爭高可  
貴也○孫莘老嘗謂老杜北征詩勝退之南山詩王平甫  
以謂南山勝北征終不能相服時山谷尚少乃曰若論工  
巧則北征不及南山若書一代之事以與國風雅頌相爲  
表裡則北征不可無而南山雖不作未害也二公之論遂  
定○源流至論曰北征之篇蓋倉皇問家室而作也使或  
者處之對童稚語妻孥他不暇顧而終篇諄復唯及國事  
則其愛國之意何如

蒼茫問家室胡混自金陵歸永安蒼茫下馬問里人曰家



室何在○羅生雜橡栗西京賦珍物羅生高唐賦芳草羅  
生○馮元成曰我行已水濱我僕猶木末鷓鴣鳴黃栗野  
鼠拱亂穴足以軼徐庾而掩三謝○鄜時卽漢郊祀之所  
鄜音孚○垢膩脚不韞貧而無韞也徐貴妃幼時隱於庶  
人家滿身膩垢裋衣脚無韞齊皇后見而竒其相以萬金  
易而育之

生還對童稚似欲忘饑渴問事競挽鬚誰能卽嗔喝郭攸  
嘗曰吾幸生還故鄉喜對童稚雖死心亦足矣○林詰自  
回中還鄉兒童輩問事爭挽鬚鬚○旁覺妖氛豁張子房  
曰幾日妖氣開豁天宇明靜

譚友夏曰至尊尚蒙塵許多話接不來只用一尚字轉又  
曰兒女語態正說不了忽入至尊蒙塵一段應首段意思  
深憂長慮誰信饑瘦窮老有此想頭其篇法幻妙若有炤  
應若無炤應若有穿挿若無穿挿不可捉摸

陰風西北來慘澹隨回紇其王願助順其俗喜馳突鍾伯  
敬曰徃徃談客兵之害入骨而花門回紇尤穆然有五湖  
亂華之憂

不聞夏殷衰中自誅褒姒此句尊其權予君父也冷齋夜



本注水田鹽 卷之三  
話曰老杜此詩意者明皇鑒夏商之敗畏天悔過賜妃子死也而劉禹錫馬嵬詩曰官軍誅佞倖天子舍天姬羣吏伏門屏貴人牽帝衣白樂天長恨詞曰六軍不發爭柰何婉轉蛾眉馬前死乃是官軍迫使殺妃子歌詠祿山叛逆耳孰謂劉白能詩哉其去老杜何啻九牛毛耶○丹陽集曰此言明皇能割一己之愛使六軍之情帖然可謂知所重矣故先輩有詩云畢竟聖明天子事景陽赴井是何人○胡仔元任曰褒姒周幽王后也夏字疑悞當作商周○魯曰宣光指周宣王漢光武中興也

許彥周云微爾人盡非於今國猶活獨以活國許陳元禮何也蓋禍亂既作唯賞罰當則再振否則不支持矣元禮首議太真國忠輩近乎一言興邦宜得語儻無此舉雖有李郭不能展用○齊高帝敕其孫珍國云卿愛人活國甚副吾意○唐志無白獸闥之名蓋假漢白虎門而言唐高祖名虎故改曰獸

林孟鳴曰此詩分作六大節首句至憂虞何時畢爲第一節述將行戀闕之懷靡靡踰阡陌至及歸盡華髮爲第二節述行役在道所見之景及陷胡之事經年至茅屋至生



理焉得說爲第三節言至家見妻子之事至尊尚蒙塵至  
皇綱未宜絕爲第四節言回紇助順滅胡之事憶昨狼狽  
初至於今國猶活爲第五節言國雖遭亂而君能悔禍臣  
能效忠與前代不同淒涼大同殿至結句爲第六節言乘  
輿反正實祖宗在天之靈創業垂謨之遠也公深以借回  
紇兵爲非計故云聖心頗虛竚時議氣欲奪後回紇果爲  
唐患至於收復河洛則欲乘勝長驅幽薊故云此舉問青  
徐旋瞻畧恒碣當時郭子儀李泌諸臣亦欲乘河陽之勝  
搗賊巢穴然後還京惜肅宗不能從而河北迄不爲唐有  
以至於亡卽此二事觀之杜公經濟槩見其云雖乏諫諍  
姿恐君有遺失蓋謂此也

月

休炤國西營時官軍營於國西休炤恐征夫見月思家無  
心戰伐也

此詩前六句注者語語附會時其實不然黃山谷大雅堂  
記略曰子美詩妙處乃在無意而意已至非廣之以國風  
雅頌深以離騷九歌安能咀嚼其意味闖入其堂奧耶故  
使後生輩自求之則得之深矣彼穿鑿者棄其大旨取其



發興於所遇林泉人物草木蟲魚以爲物物皆有所托如  
世問商度隱語則子美之詩掃地矣此可爲讀杜詩之法  
因附於此

喜聞官軍已臨賊境

按史是年九月丁亥以廣平王俶爲元帥司空郭子儀副  
之將朔方等軍及回紇西域之衆發鳳翔壬寅至長城西  
陳於香積寺之北澧水之東與賊戰斬首六萬賊大潰癸  
卯大軍入京師甲辰捷書至鳳翔

八水散風濤八水一涇二渭三滻四灞五澤六瀉七豐八  
涵也

花門騰絕漠拓羯渡臨洮花門謂回紇也唐志甘州有花  
門山僅東北千里至回紇衙帳拓羯謂安西之西域傳安  
西卽康居小君長孺王故地募勇健者爲拓羯猶言戰士  
也

收京三首

妖星一曰彗星二曰孛星三曰天棊四曰地槍五曰天欖  
六曰蚩旗七曰天衝八曰國星九曰昭明十曰司危十一



曰天機彗十二曰五殘十三曰六賊十四曰獄漢十五曰  
旬始十六曰天鋒十七曰燭星十八曰蓬星十九曰長庚  
二十曰四填二十一日地維

須爲下殿走不可好樓居上句謂避亂也下句玄宗好神  
仙故用此事洙曰一作得非羣盜起難作九重居○依然  
七廟畧言克復之餘宗廟重立依然舊日之規模矣更與  
萬方初與民更始之意

忽聞哀痛詔四語漢武帝末年下哀痛之詔肅宗至德二  
載十一月壬申御丹鳳樓下制十二月戊午朔又御丹鳳

門下制大赦此所謂哀痛之詔也聖明朝亦指肅宗也懷  
商老商山四皓羽翼漢惠帝謂裴冕杜鴻漸等轉相肅宗  
也憶帝堯書欽明文思安安謂玄宗傳肅宗猶堯授舜也  
錢受之曰收京之時明皇在蜀已誥定行日肅宗汲汲御  
丹鳳樓下制不能少待李泌有言後代何以辯陛下靈武  
卽位之意乎此詩云忽聞哀痛詔又下九重朝蓋說之也  
泌每言家事必待上皇又爲郡臣革表致上皇東歸能調  
護兩宮故以商老許之肅宗已卽大位而以商老羽翼爲  
言亦元結書太子卽位之義也玄宗內禪故以帝堯稱之



肅宗未盡人子之禮公所不與故曰憶帝堯皆微辭也逢  
罪已之日而霑洒青霄其不誦而規可知矣  
霑洒望青霄青園翁曰秦鹿未息四海如斯終日洒淚沾  
衣仰霄漢而已

先太宰曰賞應歌杖杜杖杜周室勞還役詩也此言軍士  
受賞而歌之歸及薦櫻桃日含羞以含桃先薦寢廟卽櫻  
桃也漢高亦嘗以薦宗廟此以紀肅宗還京謁廟之明○  
唐李綽歲時記四月初一日內園進櫻桃薦寢廟訖頒賜  
各有差○雜虜橫戈數功臣甲第高言京師雖復而回紇  
吐蕃諸夷猶叛服不常諸將功高賞重富貴已極又將有  
跋扈之漸深爲可慮厥後雜虜猾夏藩鎮專權豈未聞此  
詩之義乎○楊盈川碑匈奴未滅甲第何高○萬方頻送  
喜無乃聖躬勞萬方皆以收京爲喜而不知事勢之可慮  
有如此終當爲聖躬勞耳喜幸之極憂君之至情事藹然

### 潼關吏

通典曰潼關本名衝關言河流所衝也後名潼關

天授初置潼津縣長安二年廢今爲驛有石橋尚名潼津  
橋卽潼關水所逕也潼水在關西一里關因以名而其阨



塞處則曰桃林塞左氏文十三年晉侯使詹嘉守桃林之  
塞註疏桃林在弘農華陰縣東潼關是矣自函谷至斯高  
出雲表幽谷秘邃深林茂木白日成昏又名雲潼關河水  
自龍門衝激至華山東也按今關乃隋大業七年移於鎮  
城門坑檻谷置去舊關已四里餘至唐天授二年移近向  
北臨河爲路玄宗開元十三年於華岳祠南通衢立碑御  
製其文并書卽此是新關南路也舊路在岳北自後牧是  
州者多帶防禦潼關軍使○國朝以備兵使者治之潼關  
衛屬中軍都督府西距華陰縣四十里○邵國賢曰此詩  
蓋哀潼關士卒而作言築城士卒不當草草大城旣堅小  
城旣遠修此潼關尚欲以防胡也於時邀我下馬指示城  
基連設戰具誇以城高且言使胡再來但當固守則西都  
更無憂虞丈人視其要害窄狹果止容車所謂一夫當關  
萬夫莫敵豈不信然今也桃林一戰魚肉生靈寧不重爲  
可哀請囑今後守關之將慎勿再爲輕戰可也  
哀哉桃林戰書武城注桃林在華山東晉使詹嘉求桃林  
之塞今潼關是也

留花門



唐志甘州有花門山堡東北千里至回紇衙帳今言花門正指回紇也時用朔方吐蕃回紇諸兵以討賊旣收長安葉護奏以軍中馬少請留其兵於沙苑自歸取馬還爲掃除范陽餘孽沙苑在同州同州爲京師近輔故公詩云連雲屯左輔而深言其爲農桑害也

公主歌黃鵠君王指白日此中國何等時也讀此者可鑒春秋書戎盟戎之意矣○樓大防曰杜詩連雲屯左輔百里見積雪讀者謂止言其多爾如此則上句足矣何用積雪之語惟能知回紇之人衣冠皆白然後少陵之意煥然

邵國賢曰匈奴爲中國患自古皆然所以詩人有薄伐玁狁之歌故聖王之於夷狄修其文德以招之正其紀綱以羈縻之今也召其率兵入援聽其深入殿廷不思中國自有驅除之畧而反隱忍以從其言妻之以淑質堅之以誓盟又使胡兵留屯左輔延駐雪山長戟森羅鳥飛難度哀笳亂鳴清晨幽咽田家懼其傷麥與桑牧馬喜其水清草茂渡河不須用舟胡騎果然輕疾是豈朝夕之故哉良繇恣其深入胡塵遠踰太行而來遂使異類直抵京室至如花門旣留內屯中國則中原被其侵酷日就蕭條而已



塞蘆子

蘆子關在延州乃秦地之北門去州百八十里曰蘆子者兩山特立如門形若葫蘆也宋司馬公詩圓水猶傳檄蘆關未撤烽亦指此

錢受之曰是將賊據長安史思明高秀巖重兵趨太原嶠函空虛公以為得延州精兵萬人塞蘆關而入直擣長安可以立奏收復之功也首言五城荆杞惜其單虛無兵可用也思明自博陵寇太原合河北而西故曰割懷衛高秀巖自大同與思明合兵故曰西未已兩寇欲取太原長驅

朔方河隴而長安西門之外皆為敵壘故曰迴畧大荒嶠嶠函蓋虛爾也疾驅塞蘆子而疾驅長安非塞塞之塞也薛景仙守扶風關輔響應取道扶風與景仙合力則收復尤易也寇方從事於西而我出奇蘆關以擣其虛故曰蘆關拒兩寇此公之深意也兵貴神速不可使寇知而備之故曰誰能叫帝聞胡行疾如鬼也王深父以為不當撤西備而爭利於東宋人又有謂塞蘆子子拒吐蕃者荆公極推深父不應無識至此

送鄭十八虔貶台州司戶傷其臨老陷賊之故闕為



面別情見於詩

鄭虔受祿山僞命洎賊平與張通王維並囚宣陽里因善畫祈於崔圓遂得免死老杜所謂今如置中兔子雲識字終投閣是也及虔貶台州有詩云可念此公懷直道也露新國用輕刑如虔者可謂之懷直道乎當是愛忘其醜之言耳八哀詩亦云反覆歸聖朝點染無蕩滌老蒙台州祿泛泛浙江葉蓋傷之也○公所寄懷哀傷於鄭虔者最多虔善書畫帝嘗署爲三絕長地理所著有蒼葭諸書及胡本草書苑稱善草隸呂總謂書如風送雲收霧堆月上且在官貧約杜詩所詠才名三十年坐客寒無禮也緩密章達靈武本非甘心從逆者然終污水部僞命雖以崔圓之救得免貶台州司戶未免身名之玷矣公詩曰萬里傷心嚴譴日百年垂老中興時曰從來禦魑魅終爲才名誤曰反覆歸聖朝點染無滌盪負才名者要當慎之於始虔有道之士嘗自稱老畫師自譽而實自嘲也○九重泉路盡交期蓋公度其終無轉移之命故云然耳虔貶後數年果卒

瘦馬行



舊注此詩爲房瑄作瑄喪師陳濤斜罷相出爲邠州刺史時論多惜之謂其可以用也

細看六印帶官字按唐令諸掌牧馬以小官字印印右膊以年辰印印左髀以監名依左右廂印印尾側至二歲起春量強弱漸以飛字印印左廂髀膊駟馬俱以龍形印印項左官馬賜人者以賜字印配諸軍及充傳送驛者以出字印並印右頰六印一作火印○誰家且養願終惠顏延年赭白馬賦願終惠

少陵以救房瑄故微張鎬之救幾罹不測矣乃瑄亦自丁

兒其前後聲聞姑勿論司空圖謂瑄請建諸王爲都統節度安祿山聞之大驚然則瑄本無失策第肅宗中於進明之讒故惡之深耳用兵非其所長烏足爲瑄諱少陵向輸棋加救着豈是今人肺肝所有朱文公亦曰子美救房瑄亦正可據也○宋祁房瑄贊曰唐名儒多言瑄德器有王佐材而史載行事亦少貶矣一舉喪師訖不復振原瑄以忠謹自奮片言悟主而取宰相必有以過人者用違所長遂無成功然盛名之下爲難居矣夫名盛則責望備寔不副則訾咎深使瑄遭時承平從容帷幄不失爲名宰而倉



卒濟難事敗隙生陷於浮虛比周之罪名之為累也戒哉  
○張無盡孤憤詩云官瑄未相日所談皆臯夔一朝陳陶  
下覆沒十萬師中原已紛潰老杜尚咨嗟其論正矣

畫鵲行

鵲性尤捷於鷹秋骨鵲至秋而善擊也○自有烟霧質舞  
鶴賦烟交霧凝若無毛質

臘日

唐以大寒後辰日為臘公是年十月以拾遺扈從肅宗還  
京

萱草初茁時本不長霜雪非因暖而生故曰還萱草柳

條則因凍全消而發故曰漏洩春光

還家初散紫宸朝紫宸便殿也謂之閣朔望不御前殿而  
御紫宸謂之入閣杜詩所謂還家初散紫宸朝蓋朔或望  
也宋歐陽公去唐未遠入閣之制已不明問於劉貢父而  
知之

口脂面藥隨恩澤翠管銀鬕下九霄紫桑問荅曰唐百官  
志中尚署臘日獻口脂龍文館記三年臘日帝於苑中召  
近臣賜臘晚自北門入於內殿賜食加口脂臘脂盛以碧



鏤牙笏蓋唐制矣○劉夢得謝面脂口脂表云宣奉聖旨  
賜臣臘日口脂面脂紅雪紫雪雕奩既開珍藥斯見膏凝  
雪瑩含液騰芳令狐楚云雪散凝紅紫之名香膏蘊蘭蕙  
之氣李嶠云青牛帳底未輟鑪香朱鳥窻前新調鉛粉揉  
之以辛夷申煎然之以桂火蘭蘇

和賈至舍人早朝大明宮

大明宮在東內太宗作初名永安後改大明又名蓬萊  
漢魏以來謂甲夜乙夜丙夜丁夜戊夜又謂之五更皆以  
五爲節也漢儀中黃門持五夜○醉仙桃醉以花色言見  
早朝時春色盛也顏範卿曰虞注以天子面如食僊桃面  
醉非是正如賈詩禁城春色曉蒼蒼之語桃非禁城中物  
乎○箭壺中之更箭也壺水已滿籌箭盡浮若催之也

此和賈至舍人早朝也朝罷而袖滿香烟者職清而近也  
詩成而毫揮珠玉者才敏而工也至父會開元間掌制誥  
至從玄宗幸蜀爲中書舍人帝傳位至當讓册帝曰昔先  
帝誥命乃父爲之辭今茲命册又爾爲之兩朝盛典出自  
卿家父子可謂繼美矣池鳳凰池也謂中書省宋書謝鳳  
子超宗有文辭帝曰超宗殊有鳳毛



宣政殿退朝晚出左掖

舊史含元殿之後曰宣政宣政左右有中書門下二省公  
為左拾遺屬門下故曰左掖此詩方公退朝而作因叙向  
者在朝之事而及其退食之從容也

春殿晴曛赤羽旗緝赤鳥羽為旗綏曰羽旗雅詩淑旂綏  
章即羽旗也○宮艸霏霏承委佩曲禮君佩垂則臣佩委  
蓋羣臣行朝拜禮而佩委於其上也○鳩鵲觀在甘泉宮  
蓋借言當時之禁掖也章帝永寧元年條支國來進異瑞  
有鳥名鳩鵲形高七尺解人言

紫宸殿退朝口號

此詩大旨與前篇相類前言在朝之事末言在朝之事

紫宸乃唐內便謂之上閣日御之即古之燕朝也

唐制昭容正二品係九嬪文昌雜錄唐制天子坐朝宮人  
引至殿上雙瞻御座者面向內而前行引導也至天祐二  
年始以小黃門引從而宮人不復出矣○晝漏稀聞高閣  
報單元陽曰注謂深遠不得聞或者形容君臣會聚論欵  
密雖晝漏而少聽聞如此然後與下句意脉貫串  
政事堂在東省屬門下自中宗後徙堂於中書省則堂在  
右省也杜甫為左拾遺作紫宸殿退朝詩官中每出歸東



省會送夔龍集鳳池鳳池者中書也左省官方自宮中退朝而出則歸東省者以本省言也已又送夔龍於鳳池殆左省官集政事堂白六押事邪杜之爲左拾遺在中宗後則政事堂已左中書矣故歸東省而集於西省者就政事堂見宰相也岑參爲右補闕故杜荅參詩曰窈窕清禁闥罷朝歸不同言分東西班各退歸本省也又云君隨丞相後我往日華東丞相罷繇月華門出而入中書凡西省官亦隨丞相出西也左省官仍自東出故曰我往日華東也我住從雍錄作往

晚出左掖

漢儀使夜漏傳呼爲脩傳呼淺謂傳呼在晝不若夜之遠也唐之朝制宣政前殿也謂之衙衙有仗此所謂春旗簇仗齊也退朝二句宣政殿下有東西兩省別有中書門下外省又在承天門外兩省官亦左右各分廨舍曰散曰歸分班而出東西各歸其廨也○焚諫草者不欲人知也然使人見其焚是猶欲人知也故避人而焚之晉羊祐魏陳羣唐高士廉馬周皆焚草

先太宰曰詩鷄栖於埭日之夕矣騎馬欲鷄栖此見出之



晚也按通鑑故事宰相午後六刻乃出杜甫奏今太平無事已時已還第軍國機務皆決於私家今觀此詩不惟至午且至於晚豈當國家多事之時而然耶○鍾伯敬曰朝堂詩瀟洒幽細

### 題省中壁

省中左右門曰掖垣墻也埤增也竹埤謂掖垣之上以竹槍纍爲儲胥也洞門對雪嘗陰陰山■曰唐省中皆青壁畫雪○通籍者唐文武九品以上每月送冊籍於引駕仗及監門衛凡朝參奏事左監門判入右監門判出○古詩美人贈我綠綺琴何以報之雙南金

### 春宿左省

因風想玉珂唐車服志五品以上有珂傘凡車之制三品以上珂九子四品七子五品五子六品以下去通轡及珂珂朝馬飾也馬行則響謂之鳴珂

先太宰曰後四句見宿省之情言不寢而聽官門之開鑰因風而想朝馬之鳴珂以有封事欲奏也故數問天曾明否其急於正君坐以待旦之意可見矣詩夜如何其夜未央



鍾伯敬曰前詩結詩是大臣之體此二句是諫臣之心此老滿肚朝廷

### 送賈閣老出汝州

賈至爲中書舍人出守汝州按肅宗紀二年九節度師潰汝州刺史賈至奔於襄鄧而傳不書隱之也詩所云西掖梧桐樹空留一院陰宮殿青門隔皆指此○雲山紫邏深按汝州有紫邏山見九域圖舊注可笑

人生五馬貴張表臣曰五馬之事不見於書以詩言之子子干旃在浚之都素絲繼之良馬五之周禮注云州長津旗太守視之法御五馬或云右乘駟馬車至漢太守出則加一馬漢官儀注云○李本寧曰漢太守四馬加秩中二千石乃右驂故以五馬爲貴

### 送翰林張司馬南海勒碑

唐志翰林無司馬今題云翰林司馬豈非以司馬而兼翰林之事乎

巖滄浪曰詩貴波瀾圓機點綴針線如此詩首言通南極則貫百蠻開之意次言落上台則粘三殿去之詞冠冕自上而連遐荒卽詔從三殿而到百蠻也次第可觀



詔從三殿去南部新書大明宮中有麟德殿其殿三面亦以三殿爲名或曰三殿謂蓬萊拾翠紫薇是也

曲江陪鄭八丈南史飲

宋程大昌曲江志曰唐曲江本秦隄州至漢爲宣帝樂遊廟亦名樂遊苑亦名樂遊原基地最高四面寬敞隋營京城宇文愷以其地在京城東南隅地高不便故闢此地不爲居人坊巷而鑿之爲池以壓勝之又會黃渠水自城外南來可以穿城而入故隋世遂從城外包之入城爲芙蓉池且爲芙蓉園也劉餗小說曰園本古曲江文帝惡其名

曲改名芙蓉爲其水盛而芙蓉富也韓愈詩曰曲江千頃荷花淨平鋪紅渠蓋明鏡長安中太平公主於原上置亭游賞後賜寧中岐薛王正月晦日三月三日九月九日京城士女咸卽此祓禊帘幕雲布車馬填塞詞人樂飲歌詩○唐駢劇談錄曰曲江池本秦時隄州唐開元中疏鑿爲勝境南卽紫雲樓芙蓉苑西卽杏園慈恩寺花卉環周煙水明媚都人游賞盛於中和上巳節節錫晏臣僚會於山亭賜太常教坊樂池備綵舟唯宰相三使北省官翰林學士登焉傾動黃州以爲盛觀○邵國賢曰近侍四句以卽



今委身近侍難復浪迹既得祿仕非若向時無家之比以  
已衰老猶思報效如此因諷鄭公才力猶爲強健豈可自  
棄而遂隱耶

曲江二首

一片花飛減却春丘豫見庭中花落謂友人曰飛此一片  
花減却青春色不趣行樂復待何時耶○鄭侯升稭言曰  
一片花飛減却春風飄萬點正愁人且看欲盡花經眼莫  
厭傷多酒入唇余嘗見一古本風飄作花飄連用三花字  
更妙

江上翡翠花邊麒麟此蓋曲江遭祿山之亂堂無人而水  
鳥來巢塚無主而石獸毀敗也○謝氏曰十四字迴環轉  
折寫盡空梁燕泥荆棘銅駝之感庾信詩云翡翠本微物  
知愛巢高堂太白詩云玉接巢翡翠解者感此二詩遂目  
作富麗之景殊非其意詩各有指隨時不同豈麒麟不勁  
爐烟上亦可作此麒麟也麒麟塚前石像五柞宮西有一  
枚邗其腹爲文字乃始皇驪山上物臥者什於地也  
古詩云典盡春衣無可柰尋常行處欠人錢○孫濟權之  
叔也嗜酒不治產業常醉欠人酒緡人皆笑之濟怡然自



若謂人曰尋常行處坐處欠人酒債欲質此緼袍償之○  
杜詩云人生七十古來稀而太白亦云舊語聊自慰世間  
七十古來稀畧亦相同○馬少伶春日詩云傳語風光道  
先歸何處邊公蓋用之

桃花細逐楊花落李商老日徐師川嘗見老杜墨迹其初  
云桃花欲共楊花語自以淡墨改去三字乃知古人詩不  
厭改也

### 曲江對雨

朱本思曰曲江本爲勝遊之境對雨寥落遊幸無期人心  
懈弛如此何時再得賜晏於此如開元之盛乎故因對雨  
托言以傷之思開元悲上皇也

謝世修曰此二首詞同而意轉迥前歸以盡爲度今則坐  
竟不歸矣前醉止於江頭今則芙蓉死水晶宮無不歷矣  
前花止於經眼今則桃花楊花並落矣前飛止於蜻蜓蛺  
蝶今則黃鳥白鳥俱飛矣前相賞猶望其莫違今則縱酒  
而拚爲人棄矣前朝回而後往今則懶朝而與世違矣前  
酒猶夷然混俗今則滄州吏情超然遠引矣前猶以古稀  
自幸今則反以老大自傷矣前雖典衣而留今則直欲拂



衣而去矣蓋時愈暮而愈切事愈違而愈悲人徒知公之  
樂其樂不知乃所以憂其憂也蓋公時有去國之意故其  
詞之悽婉如此

玄宗置龍武軍肅宗又置左右神武兩軍賜名天騎故曰  
新軍時朝廷多事莫遊曲江只居大內故曰深駐輦○芙  
蓉別殿謾焚香芙蓉園在京城南內築夾城入園中有殿  
曲江又連芙蓉苑駕常遊幸亦有殿故曰別殿卽後所詠  
苑邊高塚臥麒麟之死亦指芙蓉苑也

錢受之曰曲江對酒亦懷玄宗南內之詩也玄宗用萬騎  
軍以平韋氏改爲龍武軍親近宿衛今深居南內無復昔  
之駐輦遊幸矣與慶官南樓下臨通衢時置酒眺望欲繇  
夾城以達曲江芙蓉不可得矣曰深駐輦曰謾焚香則其  
深宮寂寞亦可想見矣金錢之會無復開元之盛雖對酒  
感嘆意亦在上皇也○何時詔此金錢會唐制中和節百  
官各賜宴鎡宰臣以下曲江合宴

晦日尋崔戢李封

王遵巖曰全篇皆是唐諸公派但杜公口腹中陶鑄自有  
與人不同者至上古葛天氏以下十句乃杜公自作機軸



自不爲妙信乎善爲異者要須於同中異而不宜以異異也

后以正月晦日爲中和節故曰况因令節求元時移在二月一日○濁醪有妙理王商見於存飲濁酒歎曰吾子何苦好飲此存曰自有妙理非公所知○熟醉爲身謀晉阮籍本有濟世之志及晉魏之際天下多故名士少有全者籍醉是不與世事遂酣歌爲常鍾會數以時事問之欲因其可否而致之罪竟以酣醉獲免

送率府程錄事還鄉

唐六典太子左右衛率府有錄事參軍一人掌監印發付勾稽本隋置唐因之

念君惜羽翮四語言此行當惜羽毛如鷹旣飽更思檢束勿作翻雲之鷲以急向乎禽庶幾時止之大道爾

題李尊師松樹障子歌

鷗陽公於詩主退之不主子美劉仲原父每不然之公曰子美老夫清晨梳白頭玄都道士來相訪有俗氣退之決不道也仲原父曰亦退之昔在四門館晨有僧來謁之句之類公賞其辯



東坡曰更覺良工心獨苦用意之妙舉世莫知者此所以  
爲獨苦歟○此句本凡而坡公曲爲發揮辯則辯矣非通  
論也

商山翁卽四皓所作紫芝曲者松下巾屨丈人頗與四皓  
無異於馬觀盡興感復歌紫芝不覺悲風之徐來也

奉陪鄭駙馬韋曲二首

韋曲在府城南二十里自漢以來諸韋君之至唐屬韋安  
石別業極林泉花木之勝杜子美詩韋曲花無賴家家惱  
殺人李白亦嘗遊此故張浮休水磨賦云參以太白忘機

脫屣者也

淶與醪同○烏巾劉巖隱逸不仕嘗着緇衣小烏巾公欲  
求隱也

奉答岑參備闕見贈

舊注叟曰唐宰相於門下省議事謂之政事堂裴炎爲中  
書令乃徙政事堂於中書省參時補闕在右掖故云隨丞  
相後也長安志含元殿前有日華門東有門下省公自拾  
遺在左欄故云住日華東也

奉贈王中允維



舊注曰侯景之亂梁簡文帝使庾信率宮中文武千餘人營於朱雀航及景至信以衆奔江陵梁元帝承制除信御史中丞故言王維初以祿山之脇受僞命肅宗憐之釋其死下遷中允陳琳避難冀州袁紹初使典文章作檄以告劉先主言曹公失德不堪依附及議曹公父子後紹敗曹公得琳愛其才不之責此言王維在賊中祿山大宴作樂維賦詩痛悼則異乎曹公之得陳琳矣一病緣明主三年獨此心言其雖陷賊中稱病不受僞爵戀君之心三年貞如一日也○鍾伯敬曰爲人分解語體

深至

趙子嘗曰窮愁應有作試誦白頭吟此以維下遷失意故託夫婦離合以喻君臣者也

送許八拾遺歸江寧觀省

瓦棺寺卽薦福寺也

春隔雞人晝四句一云竹引趨庭曙山添扇枕涼十年過父老幾日賽城隍

虎頭畫工顧愷之小字金粟影影畫像卽維摩圖也維摩居士乃是過去金粟如來獨難忘思其畫之美也

因許八奉寄江寧旻上人



公開元十九年遊吳越客此袞袞一作迦沙一作袞袞蓋  
西域以毛爲之葛洪撰字死始添衣字言道服也

憶弟二首

狂催走謂避難出奔也病去憂言無一時不憂欲其病去  
體也水東流公身在洛而心在濟故恨與水共東流也  
不問鄴城圍時郭子儀克復東都安慶緒棄城走鄴城不  
問此言但聞收復河南卽喜故鄴城未下不暇問也望汝  
歸公自天寶十四載別弟至乾元元年是爲三春故曰三

送李校書二十六韻

秘書郎屬秘書監掌讎校典籍爲文士良選位正九品校  
書名舟字公度隴西人父岑嘗爲水部郎官舟有文學高  
才俊辯爲虔州刺史嘗與妹書曰釋迦生中國設教如周  
孔周孔生西方設教如釋迦天堂無則已有則君子登地  
獄無則已有則小人入立言如此其人可知公故稱道之  
乾元元年春萬姓始安邑肅宗乾元元年安慶緒將元皓  
旦降詔免陷賊州三歲稅天下非租庸無輒役使也○白  
華逸詩言孝子之潔白也○已見楚山碧景差昨到夢澤



喜見楚山之碧○汝翁草明光漢武帝太初四年起明光宮凡掌制誥文字謂之視草凡掌制誥必有草故謂之起草○對酒不能喫李陵書對酒不能酬○無令軒車遲古詩軒車來何遲

### 偏側行

上林賦偏側沁滌注相迫也○睡美卽睡熟也○請急請假也黃山谷曰晉令急假者五日一急一歲則六十日晉書車武子早急出謁子敬盡謁而還是也今按公役給假改急作給假音架真宗問近臣唐酒價幾何衆莫能對丁晉公奏曰每斗三百文上問何以知之丁引此詩以對上大喜曰子美詩真可爲一代之史也

### 題鄭十八著作丈

王遵巖曰此當是題其在京之居故評其謫居而及其被謫之繇結句乃其所居之感也不然則結句真哭亡之語矣註云傷悼之作亦不然蓋其全篇都是其人尚在之詞也○楊用修曰案頭乾死讀書螢乾死螢何嘗乾死人耶○范木王曰王公注以爲傷悼之作不然觀他日有鄭公



得歸之句可考結云亦妄謫居寂莫非哭亡也

得舍弟消息

紫荆樹周景式孝子傳古有兄弟相忿欲分出門見三荆同枝接葉連陰歎曰木猶欣聚况我而殊哉田廣兄弟亦然

贈畢四曜

玉臺後集有曜詩二首○中宗嘗曰蘇瓌有子李嶠無兒公言已與畢各有子也

義鷓行

黃光施曰按鷓俯擊鳩鴿食之鳩鴿中其拳墮空中卽側身自下承之捷於鷹隼然有義性冬月撮鳥之盈握者夜以燠其爪掌左右易之旦卽縱之令去其往東矣則是日也不東嚮搏物南北亦然蓋其義性有擒有縱如此李邕鷓賦所謂營全鳩以自煖乃詰朝而見釋是也又隼亦鷲鳥一名雀鷹虎豹之搏噬擬隼之搏噬隼故隼於文从水从隼合鷹之搏噬不獨無失獨隼爲有隼故其每發必中而古之制字者以此隼之擊物遇懷胎者輒釋不戮化書曰鳥反哺仁也隼憫胎義也二鳥搏擊宜其不擇物而施



而性之義各有取焉

詩歸曰少陵自云聊為義鶻行用激壯士肝今看其父從

西歸翻身入長烟斯須領健鶻痛憤寄所宣鍾云此鷹亦鳥中申包胥

也斗上捩孤影噉哮來九天修鱗脫遠枝巨頰折老拳高

空得蹭蹬短草辭蜿蜒折尾能一掉飽腸已皆穿與君看皮寢處

無復晴閃爍同物情有報復快意貴目前茲實驚鳥最急

難心炯然義俠義憤人之愧此鷹者多矣功成失所往用舍何其賢鍾云發許

大道

黃口小鳥口角皆黃家語孔子見羅者所得雀皆黃口也

壯士肝陸遜曰不以典刑善惡焉能激壯士之肝膽耶

### 李鄴縣丈人胡馬行

迴鞭却走見天子時避難在漢中肅宗卽位於靈武故迴

鞭而來見天子也○一聞說盡急難材如劉備劉牢之之

馬躍過五丈澗以脫慕容垂之逼○銳耳高蹄謂馬耳欲

銳而小如削筒馬蹄欲高而堅可削玉

### 端午日賜衣

公時居諫省故得賜衣○題處濕謂名題衣上賜從天子

也○意內稱長短終身荷聖情鍾云讀之感泣是近臣謝



表語入詩風趣而典○王遵巖曰結句之妙唐人絕無

酬孟雲卿

袁郊甘澤謠陶峴彭城子孫也開元間宅崑山豐田疇遊  
江湖製三舟一自載二賓客三飲饌與進士孟彥深樊口  
進士孟雲卿布衣焦遂人置僕妾女樂一部奏清商曲於  
江湖中時號水仙

至德二載甫自京金光門出門道歸鳳翔乾元自從

左拾遺移華州椽與親故別因出此門有悲往事

錢受之曰公自拔賊中間關達行在近侍未幾移官遠出  
題云自金光門出又云因此門有悲往事經年之後再出  
國門痛定思痛猶有未招之魂比招魂之旨尤可傷矣移  
官豈至尊不忍斥言之也駐馬望千門正古人多不忘君  
之意

題鄭縣亭子

此公謫華州功曹作亭高望遠公之新興發馬蓋鄭縣非  
杜陵之寓澗濱非江曲之遊戶牖非掖垣之直嶽蓮宮柳  
非落花遊絲之日山蜂野雀非鳴鳩乳燕之春則公之新  
興適爲遐悲而幽獨傷神誠有憂讒畏譏欲言而不敢盡



者矣

鄭縣隸華州嶽蓮西嶽蓮華峯也陝華間有地名大路晉書檀道濟從劉裕代姚泓至潼關姚鸞屯大路以絕道濟糧道是也○長春宮在同州朝邑縣去亭子一舍郡國志云長春宮在強梁原上周保定時宇文護築初名晉城建德二年置長春宮隋開皇中增構殿宇大業末唐高祖義旗起大軍濟河舍於此宮休甲養士西定京邑自後凡牧是州多帶長春宮使

### 望嶽

楊文弱曰西嶽峻嶒竦處尊諸峯羅立似兒孫非登高臨下不見此景而此老以仰望得之可謂玄唱

安得仙人几節杖真誥楊羲夢蓬萊仙翁柱赤九節杖而視白龍○劉根別傳孝武皇帝登少室見一女子以九節杖仰視日閉左目開右目氣且絕久乃甦息帝使人問之所行何等女子不荅東方朔曰婦人食日精者○神仙侍王途夜遇雨令弟子以九節杖擔篋與弟子冒雨而行衣不霑濕○車箱谷名在山東南深不可測箭筈峰名上有一穴見天攀援自穴中而上至絕頂○車箱谷去數水谷



水滸水滸  
卷之三  
三  
七里長於車箱祈雨者以石投之有一鳥飛出應時復澍  
高尋白帝問真源向不得其說偶閱李于鱗太華山記乃  
知之天門旁有臺南望三公山三峰如食前之豆是白帝  
之所觴百神也從上望壁下大谿谿肆無景卽日中窈窕  
爾久之山出其末若鏃矢頃卽失之矣是爲南峰南峰  
前出南壁上東峰出東南隅壁上西峰出西北隅從下望  
之五千仞一壁矣攀龍曰余旣達削成四方中不復知天  
不可升矣余夫善載腐肉朽骨者乎及俯三峰望中原見  
黃河從塞外來下窺大壑精氣之所出入又未嘗不爽然  
自失也

早秋苦熱堆案相仍

謝漢甫曰公以乾元元年七月貶華州詩蓋居華時作非  
地多寒早秋縱熱未必爲多苦或者有託而云然蓋是時  
公厭承明居州廨內則讒人罔極外則戎事方殷且僕僕  
簿書間束帶以見小兒違所長以就所短故其狂如此○  
或曰時賀蘭進明譖房琯以及公蠅蝸蓋指賀蘭氏子也  
每愁夜中自足蝸或問昌黎貶潮陽而賦詩有炤壁喜見  
蝸之句何杜愁而韓喜之曰公貶關中蝸其所有故數見



而愁韓貶嶺表蝸其所無故乍見而喜非喜蝸也喜歸也  
人亦有言苛政猛於虎然則投荒亦毒於蝸哉○東帶發  
狂欲大叫韓昌黎謂人各有能有不能抑而行之必發狂  
疾正此意也

初月

微升古塞外已隱暮雲端夏鄭公謂其爲肅宗非爲月也  
源流至論與千家注並是其說此不特可笑兼亦可恨邵  
國賢曰此詩只詠初月非比肅宗新卽位也知言哉○微  
升二句已宛然初月之感結云庭前有白露暗雨菊花團  
有露之時初月已去乃云暗滿可見周匝

觀安西兵過赴關中待命二首

時安西節度李嗣業也安西又更名鎮西安西節度撫寧  
西域統龜茲于闐焉耆疏勒四國故謂之四鎮○獻士卒  
謂獻於朝廷自任用也

談笑無河北黃河之北時爲安慶緒所據也

時安西節度使李嗣業將兵會朔方節度郭子儀討安慶  
緒故言奇兵固不在多

心肝奉至尊今之竭其忠心忠肝奉至尊者何人哉○城



池未覺喧師行有紀不聞喧聲也

九日藍田崔氏莊

羞將短髮還吹帽笑倩旁人爲正冠孟嘉以落帽爲風流少陵却以不落帽爲風流堂成旁人錯比楊雄宅懶惰無心作解嘲少陵却無意解嘲用其事而反其辭翻盡古人公案凡用事當以爲法○鍾伯敬曰二句雖一氣然上語悲下語譎微吟自知不得隨口念過

周禮玉之美者曰球其次曰藍此山出玉故曰藍田秦置縣漢魏因之周析置玉田白麗二縣玉山卽藍田山也故

有藍水

云

寒之句今南關平澗橋尚沿其名○玉山高

並兩峰寒玉山卽藍田兩峰謂秦山華山二峰也○顏廷

桀曰虞注以兩峰爲大小華山晏注爲大山華山皆非也

或玉山自有兩峰如雙澗之云恨未到其地耳

明年此會阮瞻阮日會親友曰人生如風中燭樽酒何必拒其滿不知明年今日再開此會誰是強健茱萸漢武帝宮人賈蘭九日佩茱萸飲菊花酒云令人長壽○鍾伯敬曰子細看三字悲其無限情事妙在不曾說出

崔氏東山草堂

東山卽藍田山又名玉山



本注大中  
卷之三  
三  
邵國賢曰鐘磬之外無所聞漁樵之外無所見其幽靜可知矣

鍾伯敬云有時自發鐘磬響落日更見漁樵人杳矣然生成律詩入歌行不得○長安志藍田縣東有白鷗谷谷有翠微寺谷口出粟○青泥坊在資縣萇弘死三年而血化為碧按圖經云萇弘資中人有祠在青泥坊數里之內土色尚青坊與防同卽隄也○又藍田關後周武成中自峽關置清泥故城側改曰清泥關又魏置清泥軍○王給事王維也有輞川別業在西此言給事仕於朝者則閉門不入賓客何如東山草堂之放曠蓋抑彼所以揚此也

### 寄高三十五詹事

舊注高適肅宗竒之除揚州大都督府長史李輔國惡其才毀之除太子少詹事

### 遣興

左太冲詩南隣擊鐘磬北里吹笙竽○晉袁克少時父黨過門方冬克尚葛衣戲克曰絺兮綌兮淒其以風克曰維絺維綌服之無斃

鍾伯敬云未知所馳逐但見暮光滅筆亦如電○歸來懸



兩狼門戶有旌節詩有懸貍兮又並驅從兩狼兮旌節貴人所建而羅列於門者泛指當時權貴而言○王伯厚曰門戶有旌節注引楊國忠以劍南旌節導駕二字出周禮少陵豈用新唐史語哉

蕭至忠嘗爲京兆尹後與太平公主逆謀誅雖已誅矣明皇賢其爲人心愛不忘高力士曰彼不嘗負陛下乎帝曰至忠誠國器但晚謬爾其始不謂之賢哉○東坡志林明皇雖誅蕭至忠然常懷之候君集云躑躅至此至忠亦躑躅者邪故杜子美亦哀之云赫赫蕭京兆今爲時所憐

猛虎一首又言元惡大憝終正典刑故以猛虎遭急縛而寢處其皮爲喻鍾伯敬曰不曰懲而曰勸因果王法在此一字滑稽蘊藉此立言之法

王遵巖曰朝廷一首古樂府之妙者○譚友夏曰送者各有死不須羨其強說得富貴人敗興○東縛去吳志孫殺諸葛恪以葦席裹其身用箴束其腰殺之於長陵石子岡

鍾伯敬曰長陵一首風生猛虎朝逢二首冰冷開眼看人熱心勸世此老真是菩薩



遣興三首

遣興詩皆有魏人風俗

魏文帝詩客子常畏人曹子建詩轉蓬離本根飄飄隨長風又顧此遊客子捐軀遠從戎

劉辰翁曰丈夫貴壯健慘戚非朱顏結意愈寬意愈痛

貽阮隱居

名昉

阮籍字嗣宗陳留尉氏人父瑀魏丞相掾子渾姪咸塞上謂秦隴乃阮之所隱而陳留卽其宗之所出也○貧知靜者性自益毛髮古或謂語不可解余謂妙正在不可解處

○蓬蒿句亦非泛用張仲蔚之陳留蓬蒿沒人○清詩近道要識字用心苦傳咸贈崔伏詩云人之好我贈我清詩用心苦劉芬嘗從揚雄學作奇字劉歆觀之泣曰空自心苦昉善篆隸故云○避喧甘猛虎晉郭文闢山中窮谷無入之地倚木於樹箬覆於上而居焉無壁障時猛虎爲暴入室害人而文獨宿十餘年卒無患害

至日遣興奉寄北省舊閣老兩院故人二首

王遵巖曰首尾穩重而意致委曲愈諷愈深後首遂乖矣山谷曰愁日愁隨一線長釋者謂歲時記云宮中以紅線



量日影至日日影增一線而唐雜錄謂宮中以女工揆日  
 之長短冬至後日晷增長比常日增一線之功此說為是  
 麒麟不動爐烟上四句漢武時月氏進七寶麒麟爐百和  
 香續絃膠孝明時南蠻進白孔雀尾扇書成王憑王几唐  
 儀衛志朝日殿上設黼宸躡席香案御史大夫領屬官至  
 殿西廡從官朱衣傳呼促百官就班

詩說雋永云王性之嘗見唐本杜詩愁對寒雲雪滿山乃  
 白滿山也

冬末以事之東都湖城過孟雲卿復歸劉顥宅宿晏

飲散因為醉歌

休語艱難尚酣戰是時九節度兵伐賊安慶緒於鄴故云  
 天開地裂長安陌寒盡春生洛陽殿時盜賊充斥肅宗方  
 議興兵收復於殿中也○刻漏律曆志浮箭為刻孔壺為  
 漏說文以銅受外刻節晝夜百節亦取漏下之義○淚如  
 綫張衡古別離曲雞鳴庭樹枝客子振衣起別淚落如線  
 相顧不能止

閩鄉姜七府設鱸戲贈長歌

閩音文又音民正作閩後漢建安中改作閩

少府唐制縣主簿之下設尉一人或一人專主水火盜賊



之事鱸牛羊與魚之腥乾曰脯濕曰鱠即今之魚生肉生  
腹腴禮記冬右腴說者謂冬時陽氣下在魚腹凡陽氣所  
在肥美故曰腴○白紙濕凡作鱠以灰去血水而用紙以  
隔灰也

戲贈闕鄉秦少府短歌

天子在外之居曰行宮時肅宗尚在鳳翔府也太白山在  
鳳翔府涇縣朝迴至德二年公為拾遺同朝也同舍客公  
與少府嘗同寓也文章伯王文論衡文辭之伯兩京道乾  
元元年肅宗收復兩京也樂更無言今年不如舊年之樂

也潦倒老病也魏天保以後重吏事謂容止蘊藉者為潦

倒見北史崔瞻傳

路逢襄陽楊少府入城戲呈楊四員外綰

綰字公權華州人肅

宗即位綰自賊中冒難赴行在除起居舍人知制誥曆司勳員外郎公赴華州日許寄員外茯苓

華山神仙所居地多茯苓樵斫多年松根之氣所生也斲  
以鐵錐刺地如有茯苓則錐因不可拔掘土取之此言昔  
許茯苓因山寒艱得姑俟暄暖晴天則當刺地以取本草  
茯苓以鳥獸形者為尚

洗兵馬



謝氏曰舊注收京後作此詩當是乾元二年春作是年春無雨也愚考諸綱目是年春不書早永泰元年春書早當是永泰元年謂乾元非也此厭亂思治欲天洗兵而作山東卽河北安祿山反先陷河北諸郡至二京已復安慶緒奔於河北史思明等降而諸郡盡復云中興一輩過言易渡也鄴城在今彰德府河廣指衛州謂郭子儀破賊十萬於衛州燕安慶緒弟慶和是時相州未復所以有不日得之句魏州卽彰德府衛州時郭子儀爲朔方節度使帝方專任子儀成此無限之功也時回紇送兵五千助帝討賊及師還帝就蒲萄宮宴勞之○海謂河東俗謂河北崆峒山則在西也關山月周王褒燕歌行無復漢地關山月關山者家鄉所在也草木風趙肅云萬國兵革振動如雄風之偃草木其悲聲非一也三年笛裏深悲故山之月萬國兵前空嗟草木之風今得還京亦豈非幸哉○成王廣平王俶爲元帥初封楚王徒封成王郭相指郭子儀司徒指李光弼尚書指王思禮思禮收山東戰數有功遷兵部尚書二三豪俊卽指郭子儀等言冠冕入乾元元年正月上皇授皇帝以傳國璽此時文武衣冠併入朝而定矣



錢受之曰洗兵馬一首青春復隨冠冕入紫禁正耐烟花繞鶴駕通宵鳳輦備鷄鳴問寢龍樓曉按肅宗卽位後下制云復宗廟於函雒迎上皇於巴蜀導鑾而返正朝寢門而問安朕願畢矣上皇至自蜀卽日幸興慶宮肅宗請歸東宮不許已而聽李輔國讒間遂有移仗之事其端已見於此詩蓋援據寢門問安之詔引太子東朝之禮以諷諭也鶴駕龍樓不欲其成乎爲君也其詞嚴也湖州有顏魯公放生池碑載其上肅宗表云一日三朝大明天子之孝問安視膳不改家人之禮東坡曰魯公知肅宗有媿於是

故以此諫也○宋紹熙甲寅光宗以疾不能過宮尹德鄰初叅太學簾引詩題出問寢龍樓曉德鄰詩云父母人皆有儀刑自冕旒問安趨燕寢拂曉過龍樓鶴駕嚴晨衛鷄人徹夜籌慈闈天語接飛棟月華收萬姓齊呼舞三官款獻酬小儒憂國切幾白九分頭學官擊節一時傳誦讀此詩可以知少陵之意○張公卽張鎬蕭嵩薦之曰用則帝王師不用則窮谷一叟耳扶顛始知籌策良此指張鎬而言鎬繼房瑄爲相聞史思明請降因言思明人面獸心難以德懷願勿假以威權上謂鎬不切事機罷爲荊州防禦



使踰月思明果反故叅謀者無如張鎬此蓋惜鎬之罷相也○青袍白馬更何有庾開府哀江南賦云桀黠構扇馮凌畿甸青袍如艸白馬如練天子履端廢朝單于長圍高宴少陵正用此語以侯景喻安史也言當此王室流離百憂咸集爲人臣者方不勝新亭之淚復有何意耶○後漢今周以漢光武周宣王比肅宗之中興也○致白環得銀甕帝王世紀舜之時西王母來獻玉環丘希範書白環西獻糖矢東來顧野王瑞應圖王者宴不及醉刑罰中人不爲非則銀甕出○河清頌宋文帝元嘉中河濟俱清鮑昭

爲作河清頌今唐乾元二年七月黃河三十里清如冰蓋收京之實事惜雨乾按史乾元二年旱故有此詩言天旱因農小鳥催種各思復業安居以匡王國也○時思明餘黨未殄故有淇上徤兒之句○挽天河沈約詩安得壯士馳奔波蜀相劉文靜曰方今鼎足鑊居黎民烏得五千壯士挽回天河洗滌天下之甲兵也天洗兵周武王事

觀兵

乾元元年八月命朔方節度郭子儀會九節度師討安慶緒於鄴城至是二年三月鄴城師潰此詩當作于未潰之



前也

非庭回紇也時送兵五千助討賊此言回紇助順數旣不  
少蓋其舊時精銳固已無敵則今日邊隅其將若之何哉  
喜懼交至之辭也妖氛指吐蕃時乘隙爲亂也白馬侯景  
乘白馬以叛者元帥指廣平王倣也單陽元謂元帥指回  
紇將兵之人終不然按十五載十月回紇遣葛邏支將兵  
入援而吐蕃陷威戎等軍石堡等城至德二載陷西平乾  
元元年陷河源其勢方張故公願其莫守鄴城且先斬鯨  
於遼海然後還師以安民可也

不歸

唐志瀛州屬河北安祿山反河北諸郡望風瓦解解公之從  
弟死于城中至此已經三年矣○末句哀痛實甚忽埋青  
草已經三年於今春風草生如之何而不悲哉

獨立

鷺鳥以比權勢嫉妒之人白鷗以比閒靜自守之士搏擊  
便承鷺鳥往來遊承白鷗然終不能避禍故每遭草露沾  
濡蛛絲牽惹斥逐仍未已天機人事相近不覺獨立而生  
多憂蘇筠獨立西樓俯仰身世憂患萬端王遵巖曰有幾



句則合篇不為蠢而別有一段理况

所思

公自注得台州鄭司戶消息為農山澗臥病海邊即所傳之信也乞酒錢與人以物曰乞乞音氣

不見 公自注近無李消息

楊用修曰李白因永王璘之反坐罪流夜郎所云匡山蓋匡廬山也白愛廬之匡阜將築室老焉後北歸猶不忍釋去乃指廬山曰與君再會不敢寒盟丹崖綠壑神其鑿之然則公所云頭白好歸來正以白有此語也後人不知乃

為蜀之太匡山耳

宴公類要曰太白生蜀之昌明縣青蓮鄉昌明今之彰明也讀書縣南之匡山杜子美所謂匡山讀書處指此山今以為匡廬非也太白非九江人何得言歸來乎

洪容齋曰匡山讀書處說者以為即廬山也吳曾能改齋漫錄內辨誤一卷正辨是事引杜田杜詩補遺云范傳正李白新墓碑云白本宗室子厥先避仇容蜀居蜀之影明太白生焉彰明綿州之屬邑有大小匡山自讀書於大匡山有讀書堂尚存其宅在清簫鄉後廢為僧房稱隴西院



蓋以太白得名院有太白像吳君以是證杜句知匡山在  
蜀非廬山也予按當塗所刊太白集其首戴新墓碑宣歙  
池等州觀察使范傳正撰凡千五百餘字但云自國  
來編於屬籍神龍初自碎葉還廣漢因僑爲郡人初無補  
遺所紀七十餘言豈非好事者僞爲此書以附會杜老之  
詩邪歐陽志輿地廣記云彰明有李白碑自  
亦傳說之誤當以范碑爲正

此縣蓋



